



Uunga
Inatsisartunut ilaasortaq
Jess Svane
Siumut

a12/19/18
Suliap nr. 2018 - 25999
Akt. id. 9666224

Utoqqalinersiaqalersarnerup ukiuisa appartinnerani § 37 311-2018 naapertorlugu apeqcutip akineqarnera

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

Asasara Jess Svane

Utoqqalinersiaqalersarnerup ukiunik appartitsinnermut atasumik aningaasartuutit pillugit apeqcutinnut qujanaq.

Apeqcutivit akissuteqarfiginissaanut Isumaginninnermut Inatsisinillu Atuutsitsinnermut Naalakkersuisoqarfik naatsorsuusiorniarnerni Aningaasaqarnermut Nunanilu Avannarlerni suleqatigiinnermut Naalakkersuisoqarfimmut ikiortissarsiorsimavoq

Naalakkersuisunut apeqcutigisatit:

1. Utoqqalinersiaqalertarnerup ukiui 1. januar 2021-mi 66-nit 67-nut qaffassapput. Tamanna aningaasatigut qanoq naleqassava?

Utoqqalinersiaqalertarnerup ukiuisa 66-nit 67-nut qaffannerat "naleqassanngilaq" kisianni paarlattuanik pisortat aningaasartuutigisartagaasa ikilinerannik kinguneqassaaq. Utoqqalinersiaqalersarnerup ukiuisa qaffanneqarnerat pisortat missingersuutaannik ukiumoortumik katillugit 27 mio. kr.-inik pitsanngoriaateqartitsissasoq Aningaasaqarnermut Nunanilu Avannarlerni suleqatigiinnermut Naalakkersuisoqarfiup naatsorsorsimavaa. Innuttaasut utoqqalinersiaqalersartut ikinnerulersussaammata utoqqalinersiutitut ukiumoortumik aningaasartuutaasartut appartussaannerannik tamanna patsiseqapoq. Tamatuma saniatigut innuttaasut sivilisunerusumik suliffeqarfinniiginnartalersussaannerannut atatillugu akileraarutitigut isertitat qaffassapput. Taamaattoq Aningaasaqarnermut Nunanilu Avannarlerni suleqatigiinnermut Naalakkersuisoqarfiup naatsorsuinerinut akileraarutitit iluanaarutit ilaangillat.

2. Utoqaalinersiaqalertarnerup ukiui 1. januar 2017-imi atuutilersumik 65-nit 66-nut qaffappoq. Utoqqalinersiaqalersarnerup ukiui 65-nut appartikkaanni qanormita naleqassava?

Utoqqalinersiaqalersarnerup ukiui 66-ini 65-inut appartinneqassagaluarpata, utoqqalinersianut aningaasartuutit ukiumut 40 mio. kr.-inik amerlissasut Aningaasaqarnermut Nunanilu Avannarlerni suleqatigiinnermut Naalakkersuisoqarfiup

naatsorsorsimavaa. Paarlattuanik utoqqalinersiaqalersarnerup ukiuisa apparneqarnerat pisortat siusinaartumik pensionisianut aningaasartuutaasa ukiumut 13 mio. kr.-inik ikilinerannik kinguneqassaaq, tassa siusinaartumik pensionisiallit 65-nik ukiullit tamakkerlutik, siusinaartumik pensionisiaqarnermut taarsiullugu utoqqalinersiaqalersussaammata. Taamaalilluni pisortat aningaasartuutigineruligaat tamarmiusut ukiumut 27 mio. kr.-iulissapput.

Tamatuma saniatigut 2021-mi utoqqalinersiaqalersarnerup ukiui 67-inut qaffanneqartussatut Aningaasanut inatsit atuuttoq missingersuuteqarpoq. 2021-mi utoqqalinersiaqalersarnerup ukiui 65-iussappata, 2021 aallarnerfigalugu tamanna pisortat missingersuutaannut ukiumut 54 mio. kr.-inik ajorseriartitsissaaq.

Aningaasartuuteqarnerunissamut tamarmiusumut naatsorsuinerup siuliiniittup, akileraarutiniit iluanaarutit ikilieriarsinnaanerata, innuttaasut utoqqalinersiaqalialaarnissamut periarfissinneqarneranni naatsorsuutigineqartoq taamaalillunilu suliffeqarnermiit tunuarsinnaalersinneqarnerat, ilanngullugu naatsorsorsimanngilaat. Tamatuma kingunerissavaa sulisussanik pissarsiumaneq appassasoq tamatumalu inuiaqatigiinni aningaasaqarnerup aalaakkaasuunera ajorseriartissavaa sulisussanillu amigaateqarneq qaffatsillugu. Ilanngullugu ilisimatitsissutigineqarsinnaavoq, utoqqalinersiaqarneq pillugu inatsimmi maanna atuuttumi, inuit timimikkut nungullarsimasut sulileqqinnissamut pinngitsaalineqartannginnissaat ammaanneqarnikummat kisiannili ataavartumik ikiorsiissutinik pisartagaqalernissamut periarfissaqarmata, siusinaartumik pensioneqalerlutik imaluunniit siusissukkut utoqqalinersiuteqarnissamut immikkut akuerineqarsinnaallutik.

Inussiarnersumik inuulluaqqusillunga



Martha Abelsen